



星 汉(新疆·乌鲁木齐)

此处。

散曲小令 正宫·鹦鹉曲叠韵四首

攸县诗词盛会闭幕作

移家西向天山住,作了个逐日夸父。又东来饱览梅城,领略潇湘秋雨。用诗词兑换风光,塞满相机归去。出穹庐马背调弦,吊嗓子苍茫远处。

游灵龟寺,谭震林避难处也

当年一夜招提住,赖慧眼念佛师父。井冈山电闪雷鸣,也带灵龟风雨。百年来此地情思,倾入洙江流去。猛抬头满目青山,却正是朝阳起处。

石山书院讲台留影

书声千古难留住,我又作讲课师父。且休言四座空空,自有西风秋雨。许今朝步武先贤,但放梦魂前去。待回家照片高悬,再细看攸州

晨兴洙水书所遇

三天许我攸州住,每遇见皓发渔父。笑谈中不管鱼钩,只钓沧江烟雨。捧清波洗净牢骚,一任簑空归去。眼昏花皂白难分,这恰是人生好处。

王玉明(北京)

题自拍香山落月照

遥望香炉顶,深秋红叶残。
小园留梦影,半月落西山。

碧云寺

碧云寺顶碧云流,流入心中消百忧。
三世树前泉汨汨,三生石上梦悠悠。

沈园怀诗翁陆游

赤心啼血念江山,旧梦牵魂泣沈园。
国恨情愁多少泪,一生唯有向天弹。

秋 思

竹影萧萧芦影残,清凉月色满荷园。
冰轮移过孤枝际,觉悟萌生逝水前。
宇宙零源何物有?菩提非树岂尘缘?
无穷奥妙生灵蕴,小小寰球运九天。

邓艳红(新疆·额敏)

一萼红·威海漫步

与来时,自横天一绿,旖旎正风光。
叠翠层峦,青山水秀,消暑气沐春阳。
待从今,留连不住,行万里,喜气载如常。
骇浪翻舷,凌霄浩宇,铁骨情肠。
俯仰悠悠千古,荡心底波澜,复暖前香。
月出东边,此番行迹,依旧几度难忘。
算多少,目送银鸥,归杳杳,南北气方刚。
我拭云峰旧痕,又入仙乡。

夏夜有怀

三更夜静几疏星,拂影窗纱看绿横。
无梦清佳倾小字,一春心事落空城。

傅瑜(浙江·云和)

鹧鸪天·夜宿伏叶听泉山庄

伫望蟾光夜未阑,小坑流水响潺潺。
潺。晚风拂面秋虫唱,倦鸟投林牛笛欢。
星闪闪,路宽宽,畲乡处处垒金山。
今逢致富新机遇,地利天时梦正酣。

浣溪沙·镇远古城

南国苗疆傍舞阳,楚滇锁钥韵流长。
山雄水秀印沧桑。古巷深街青石嵌,
歪门斜道吊楼妆。澄河云影胜春光。

李振平(吉林·农安)

西 湖

香气盈怀逸兴驰,人间仙境画中诗。
云轻日丽桃花醉,水暖风柔野鸭知。
旖旎苏堤莺唤绿,娇娆花港鲤嬉池。
三潭酩酊三千客,潇洒观光正是时。

王 伟(吉林·长春)

游三亚藤桥入海口感怀

那湾碧水那滩沙,浪涌兼天漫无涯。
河海交融三色阵,椰蕉摇曳几丛花。
浮生笑看云烟过,梦醒欣迎夕照斜。
南国北疆何处醉,真情樽酒一壶茶。

宋 剑(贵州·纳雍)

游大坪箐山溪

身入深山觅雅音,层林赞我有心人。
诗情已是难由己,总向清溪漉白云。

采风大坪箐

飞鸟衔来几暮晖,空山深处不思归。
溪声撑得行囊鼓,虫语也装一袋回。



秋夜偶作

夜来夜去又如何，谁解清辉比梦多。
执砚三更研白露，漫将颓笔写烟萝。

叶志深(浙江·丽水)

水调歌头·咏五大连湖

何处明珠耀？成串靛瓠江。青峰绿谷吟毕，又咏碧波长。四面车行高速，一片白云飘荡，千里雁回翔。水上浮仙屿，堤外接康庄。转玉露，飞金盏，入画乡。五湖七日游遍，仿佛览天堂。约集刘基问道，召唤汤公谱曲，笔墨指沧桑。绮梦常相伴，不负好时光。

宁波海防遗址怀古

三江口岸白云横，遗址巍峨立月城。
明土香樟尤解语，清时翠柏尚含情。
连天烽火八方起，落地雷声四野惊。
万里河山存傲骨，英雄不论是何名。

章长斌(湖南·涟源)

黄山始信峰

古道逶迤碧带缠，声闻白鹤绕名山。
莲花秀色诚无尽，雾海灵猴别有天。
玉笋叠叠风雨锁，松涛滚滚啸歌酣。
抚琴独坐夜方返，错把下山成下凡。

红旗渠

千回百转太行穿，一水激活四面山。

昔日愚公魂尚在，扬潮远海鼓征帆。

来根友(浙江·嘉兴)

南湖秋兴(五首录二)

入眸鸿雁正徐翔，烟雨楼边诗思长。
昆曲棹歌九重醉，木犀荷芰满湖香。
凌波飞艇雪涛激，跨海游人逸兴扬。
色味称饶点船菜，匆匆尽瘁乐丰穰。
注：(清)朱彝尊有“鸳鸯湖棹歌”百首；船菜：南湖特色菜。

谁钓清波气息恬？秋晨雅兴四望酣。
蓬莱孤峙还如梦，鸿鹄群飞自向南。
垂柳依依筑栏栅，晴光霭霭暖烟岚。
红舟碧血旌旌展，百载堪谈口角甘。
注：蓬莱：湖心岛。

师红儒(山西·朔州)

谒程颢书院

廊前怅望意低徊，为有先生三尺台。
苔井无尘迎客至，文光蘸墨照天开。
知机楼馆心难歇，明道途程人复来。
一点幽思浑似昨，风云变态暗相陪。

王莽岭遇雾

尚有霜林间草烟，危峰急走倒而颠。
不疑蜕骨登高处，深恐抬头触破天。
人隔红尘三万里，云封轶事两千年。
胸生别绪难留我，空使幽思作惘然。



蝶恋花·网事

许是未将书读烂，一地霜花，却嫁东风晚。剥落金装人老倦，闲情吟到农家院。拈个词儿生浪漫，朽了签儿，后面排千万。百鸟投林声杂乱，高山云首真耶幻？

戴寿泉(湖南·湘潭)

白龟湖湿地

都市名姝碧玉身，廊亭水榭百花陈。风翻岸柳鸣雏鸟，霞染鱼梁跃锦鳞。国运昌时生态复，人文盛处画图新。一弯天酿瑶池近，翠羽朱衣逐浪频。

谒黄兴故居

白墙青瓦旧时容，诞有元勋便不同。池畔啼莺杨柳绿，檐边照眼石榴红。毁家舍命英雄胆，务实无争国士风。华夏声威强盛日，游人络绎纪丰功。

咏王昭君

莫言前路尽胡尘，心境开时满目春。大漠相偕射雕手，汉宫难得画眉人。骠骁剑利伤流血，环佩声轻报睦邻。青冢琵琶余响在，依然过雁落频频。

李勤绍(河北·平乡)

登贺兰山

武穆兵锋未抵关，驾车我上贺兰山。茫茫云海吞丘壑，滚滚黄沙肆漠边。

西夏王陵收霸气，蒙元铁甲卷银川。千秋演绎沧桑史，一统舆图指顾间！

青海湖远眺

一湖碧水洗天蓝，万顷波涛浮远山。风送舟楫浪间去，鸟逐云影日边还。恢宏气势吞星月，澎湃激情荡莽原。何事书生空佇立，黄沙白雪落诗笺。

邓勇(四川·剑阁)

登东坡楼二首

嘉州城外大江东，载酒堂前楼几重。三径竹疏墙上影，五更鼓止牖前翁。墨池犹映古今月，桂殿空余唐宋风。石级苍苔铺落叶，海棠深处隐文忠。

登楼四望漫吟哦，骚雅于今剩几何？夫子风流凝雾眼，墨池幽暗绕藤萝。嘉州夕照高山远，江上白帆过客多。当效海龙三太子，夜深犹可拜东坡。

王藻(浙江·杭州)

杭州白马湖

十年后重游此湖，依十年前丁亥诗二律韵，爰续二律

十年湖净镜新磨，流转风光今若何？翠柳烟颭疏野韵，青山迤迳性灵歌。映秋桥上迴飞鸟，栖鹭池头点美荷。淳朴乡亲勤敏手，同心护景不蹉跎。



湖边楼起好巍峨,动漫广场欢乐窝。
十里长街歌舞踏,万人空巷彩车驮。
明星璀璨五洲客,创意缤纷群籁和。
早晚缘堤恬步走,霞光映照笑颜酡。

虞克有(浙江·丽水)

永嘉龙湾潭

龙湾潭里探神龙,偏见雄鹰戏水中。
翠壑瀑飞分七折,苍山柱竖现孤峰。
骆驼石上初阳起,孔雀屏前雾霭封。
最是惊魂游栈道,人行云上识悬空。

永嘉狮子岩

石狮独自清潭卧,闲看游鱼吻碧峰。
数点白帆浮镜里,一溪春色入怀中。
无言未减生威猛,沉默犹存气势雄。
为使安宁甘寂寞,清波长守镇狂龙。

李鸿楷(浙江·瑞安)

题屈原塑像

求索岭岩峭,昂头问碧霄。
楚天云叠叠,汨泽水滔滔。
报国空怀石,筹谋总触礁。
浮沉世间事,感慨读“离骚”。

绍兴水乡客栈凭眺

岸草和烟绿,朝霞抹远空。
柳堤飞翠羽,河埠泊“乌蓬”。
兴惬心先醉,情高句自工。
水乡街市闹,处处酒旗风。

常立英(山西·晋中)

浣溪沙·印象山庄

错落亭台石径斜,瑶池一梦到山家。
红灯烁处隐危崖。秀婉幽深
蘅芷苑,醇香馥郁碧螺茶。多情最是
格桑花。

浣溪沙·石潭新韵

初见山庄小石潭,泠泠碧水月池湾。
松风着意拂青衫。翠荫时时
裁盛趣,仙姿款款压秋兰。年来再度
醉相欢。

李文庆(上海·浦东)

怀水下泗州城(二首)

渺渺泗州何处寻?柳笼淮口望烟津。
唐砖宋瓦几千载,泽国龙宫三百春。
海市奇观灵瑞塔,南山长念汴河晨。
一朝出水见天日,万丈城垣惊世人。

昔日芳华惊世间,高城古塔对淮山。
楼台十万客商聚,漕运三千樯橹还。
仙子赠珠珠有泪,香花迎佛佛开颜。
东风依旧凝春色,岁岁湖烟鸥鹭闲。

智 硕(浙江·海宁)

雾锁仙都

阮郎擷芳地,依旧绝尘寰。
云带千丝雨,烟笼万叠山。



一望天地远，四面水风闲。
谁与农家汉，牵牛溪上还。

洛塘新貌

长川雨霁白云飞，秋气空明城廓迷。
水拍蜿蜒曲栏外，桥横迢递茂林西。
一泓浅影泛行棹。几处闲竿悬钓堤。
更看楼盘矗天处，窗前应有雁清啼。

金嗣水(上海)

过潼关

鸡鸣三省惊，险隘一夫横。
时值秋风紧，犹闻厮杀声。

游雁门关

峻岭雄关峙，将军血溅袍。
秋风扫黄叶，似听马萧萧。

文金涛(河南·唐河)

秋 游

云淡天空作独游，诗情无限意悠悠。
夕阳醉染一江水，枫叶红描十里秋。

鹧鸪天·梅花

早把梅花作故人，岭南相见更相亲。
东风未至能先至，冰雪初消却已春。
心冷素，格纯真。悠然千载自由身。
罗浮庾岭寒香沁，新折一枝遥寄君。

唐 敏(贵州·纳雍)

卜算子·漫步趵突泉

柳绾第一泉，竹掩双飞凤。漱玉泉边灵感生，万物都灵动。
拾缕易安风，捡点明诚梦。填阙巫山一段云，留作千年诵。

卜算子·泰山览胜

登上泰山巅，摘下白云片。闲沐古今齐鲁风，舞作双双燕。
眼底众山微，心底清奇漫。笑傲苍茫云海间，冷眼红尘看。

蔡圣波(浙江·瑞安)

谒林和靖墓

欲觅孤山处士家，遗踪渺渺剩烟霞。
崖前片石留题处，抔土难寻水一涯。

游千岛湖

一千西子舞婆娑，出水芙蓉挽碧螺。
摇橹不知何处去，一城山色半城河。

张传亮(山东·潍坊)

晓登云门山

浥尘松露散轻寒，纵目石门夜未阑。
寿字崖前人若蚁，不知何处谒陈抟。

游坊茨小镇

豆蔻瓜分帝业休，锤镰血火铸金瓯。



百年小镇斜阳里，一树西风剪落秋。

赵忠全(黑龙江·哈尔滨)

阳朔聚龙潭遐想

叠韵清波摇画舫，勾魂夺魄聚龙潭。
莫非已入瑶池境，拾得仙桃满几篮。

从阳朔返回桂林的汽车上遣怀

朝水摇舟入画间，暮辞阳朔过千山。
四轮力足追风去，百里江城一梦还。

朱洪滔(江苏·盱眙)

重阳登高

扶藜援小径，野菊散芳菲。
翠鸟盘三匝，云峰合四围。
晚霞能与返，白发却相违。
暮鼓催山寺，寻途早忘机。

秋游铁山寺

轻摇画舫泊桥东，百里山林浴梵风。
鸟语时飞禅寺外，香烟偶入野村中。
几条石路攀难尽，一眼天泉涌未穷。
忽见坡前丹焰起，原来霜染老秋枫。

刘欣(北京·房山)

济南李清照纪念馆

漱玉泉边漱玉堂，修篁秀石影花墙。
易安多少悲凉句，惹得今人叹短长！

玉皇顶连心锁

铁索条条极顶盘，层层叠叠锁连环。
山盟海誓犹嫌少，又把同心结泰山。

张家安(辽宁·大连)

宿泊凤凰山

霜桐月下起商音，星落澄潭雾幻林。
何事关情循旧径，谁人怀梦向遥岑。
禅庭礼佛经声缓，木榻敲诗雁夜深。
十载行来天未老，嚣尘似海有浮沉。

秋山漫忆

庭前烟树不分明，新月当时照影清。
水样年华歌不尽，纱般夜色酒频倾。
经秋人事千丝柳，有约生涯半曲筝。
解意还闻原上雀，霜枝依旧弄春声。

依兆龙(吉林·公主岭)

观溅玉池

几株菡萏溢芬芳，溅玉垂珠雅兴长。
沁骨清香堪醉客，怡情小句腹中藏。

养心汀感怀

翠柳毵毵榛芥妍，亭台古朴影蹁跹。
骚人小憩开心境，一曲清歌盈满川。

陈焕琪(浙江·杭州)

西溪湿地秋景

一抹流霞夕照中，纵横江水淡烟笼。

河边芦苇飞花白，霜柿悬灯万盏红。

姚旸频(浙江·海宁)

南乡子

夜游李坑村，作客农家。隔日复游，见古树成群，空洞巨大，戏题。

涧过乱山轻，徒见飞花作玉声。三两小虫转火转，荧荧，飘入深居引客朋。持伞踏阶行，已共清风屏息听。未料古楮睁巨眼，卿卿，岂欲三生悉洞清？

咏桂

懒争红艳趋桃李，独送芙蓉举晚风。开得浓香招雨妒，舞低落叶逐蟾宫。

傅明夫(浙江·浦江)

月泉吟

思绪千端及万端，三秋夜雨读吟篇。痛凭杂兴徒书愤，何奈王旗尽属元。怜菊追踪彭泽令，采薇埋骨首阳山。关山俯仰成今古，正气长存天长间。

访月泉吟社遗址

一行迤逦意拳拳，秋日城郊访月泉。惟见枯林惟见草，既无残壁既无砖。沧桑几度泉何在，忠烈千秋月在天。我欲因之梦江浦，弦歌再起续新篇。

杨承大(湖南·湘潭)

念奴娇·游清西陵

雕梁画栋，历沧桑岁月，依然金碧。日落明楼光闪烁，城堞巍峨而立。古柏藏鸦，疏林匿兔，风雨摧陈迹。西风残照，耳边何处清笛。忆昔雍正当朝，宵衣旰食，勤政谁能匹？启后承先开盛世，命被金丹而索。衰草凄迷，冷烟轻荡，探古寻幽客。一言难尽，且听秋叶萧瑟。

注：清西陵位于河北易县，葬雍正、嘉庆、道光、光绪四帝及后妃等七十六人。

念奴娇·游太行苍岩山

丹崖峭壁，看双峰对峙，几多宫阙。谁架桥楼飞险涧，仰望青天残缺。峻岭崇山，层峦翠谷，风景堪称绝。森森古柏，白檀坡底绵叠。闻道公主南阳，出家避难，归隐成仙佛。逝者如斯留不住，唯剩禅房名刹。上覆巉岩，下临深壑，夹道多碑碣。留连幽境，远天初现明月。

注：苍岩山位于河北省井陘县，属太行山系，山上有福庆寺，相传为隋炀帝大女儿南阳公主出家之所。

毛鲁(安徽·明光)

登琅琊山南天门

野花送我到山巅，锦绣滁城入眼帘。遥望长江成玉带，楼船点点似泥丸。注：南天门是滁州琅琊山最高峰。



潘自珍(湖北·黄石)

重游西塞山

绿阴夹道小车飞,六月清凉上翠微。
北望亭前寻旧迹,桃花洞迓故人归。

磁湖岸赏樱花

锦绣樱花道,清新不染尘。
莺歌杨柳岸,霞落满湖春。

莫雪元(浙江·杭州)

秋游湘湖

云树亭台漾镜融,寻幽如画图中。
梵钟声碎一湖月,古塔影斜三径风。
丹桂浓香酿玉露,海棠娇艳伴芙蓉。
游人交口赞新景,心旷神怡处处同。

余宝义(浙江·开化)

临江仙·霜降次日登大黄山

细雨轻风随客至,看山品茗皆宜。
竹林摇绿令吾痴。古枫丹顶色,染赤百行诗。
若许残生归此处,天然赋我灵犀。
流年更替鬓毛知。心交猿鹤友,身裹老农衣。

向国庆(湖南·慈利)

游九天洞

帅乡胜景黛中寻,十里松涛拍岫门。
九眼窗开筛日月,千槽练泻漫幽阴。

顶悬丛笋莹莹乳,底矗林鞭灿灿银。
洞缀三层雷阵阵,金戈铁马撼天人。

注:九天洞位于贺帅故居东十公里外大山中,因顶部有九眼天窗而得名,号称亚洲第一洞。

黄政海(湖南·长沙)

中秋洋湖湿地纪游

翠捧湖光湿地新,群孩欢笑漾童真。
芦边雪鬓扶筇乐,树里骈肩喃语亲。
钓静沉心风细细,贪青席地味津津。
中秋节爽林流暖,舞初吟襟盛世身。

晨起湘滨巡礼

霞绮牵人入绿丛,熊湘水秀引长风。
麓山凝思拥苍碧,橘树驮金闹稔丰。
洗净心尘劳大野,醉吟烟景作顽童。
凌霄画阁藏新曙,百里花团筑梦功。

武立胜(北京)

登庐山次鲁迅韵

云封雾盖景何求?未到汉阳难掉头。
强弱风从空处走,高低水自曲中流。
荒畦长踩可成路,野草将枯不放牛。
莫羨庐山温度好,也分冬夏与春秋。

离别瑞昌

说是将休恐未休,盈天雁语耳中收。
花盘棹尾金含碧,风裹霜枝岭复洲。
铁轨折弯千里路,凡心沸作半锅粥。
离歌泪下阳关酒,别去江南又一秋。

